



益戒堂詩後集目錄

卷七

癸巳中

古今體詩
二十七首

喜雨

椰子

芙蓉杏

春水

江神子

壽山田石山高月小硯屏歌

並頭牡丹



和他山夫子園中曉起即事次原韻

和久坐紫藤花下次原韻

和他山夫子食新笋次原韻

和他山師聞鶯次原韻 調好事近

和放船至因曠洲次原韻

和西厓院長月夜遊小園次原韻

送檀波開士禮五臺二首

題古心和尚像二首

題千華和尚像

題見月和尚像

題定庵和尚像

次韻訓別他山夫子二首

和他山夫子雨中發自怡園次原韻

他山夫子熟精楞嚴近覽拙詩謬承獎借輒疊

前韻奉答

重過青山梁次他山師舊韻

恭和

御製五月上旬避暑熱河塗中喜麥秋盈野雨暘得時

詩

烏城寓舍芍藥數本皆予去年手植今來已作

花矣偶賦一律

以芍藥餽南湖學士

詠草荔枝

瑞應寺並蒂文光果次西厓少宰韻

癸巳下

古今體詩
七十六首

熱河寓庭芍藥較烏城尤盛仍用前韻

和西厓少宰題畫次原韻二首

熱河閏夏寓舍櫻桃

和西厓少宰晚宿小庵次原韻

以野雞卵十枚饋他山師有詩見謝次韻奉答

和他山先生庭中雜蒔草花次原韻四首

和他山師畫義詩次原韻

和他山先生謝鄉僧贈桃枝竹杖次原韻

恭和

御製湯泉應候詩

以荷花饋西厓少宰有詩見謝次韻奉答

和世南宮允詠夜光木盆景次原韻

詠盆中人參果

立秋前數日接東江先生書因用留別舊韻奉

寄末章兼呈他山師四首

清波引

詠梔子花

壺中天

詠茉莉

熱河庭中偶穿小池徧植荷花迎秋皆放口占

二首

謝檀波上人惠清涼山志二首

食藕

以蓮子饋南湖學士

園中二十一題次他山先生韻

篔簹塢

雙竹廊

桐華書屋

蒼雪齋

巢山亭

荷塘

益州堂詩後集 卷七
北湖

隙光亭

因曠洲

邀月榭

蘆港

柳汧

芡汊

含漪堂

釣魚臺

雙遂堂

南橋

紅藥欄

靜鏡居

紫藤逕

野航

以赤藤杖饋他山師先生意謂欲易畫义作詩

見示仍用原韻

立秋 六月十八日

秋暑

盆中石榴經秋尚開

新涼

塞外遇雪有懷他山先生即用留別原韻二首

出紅門口

過興安嶺

重陽日大雪

熱河夜坐疊前韻

和他山師過金山寺次原韻

和他山先生過高旻寺悼湘雨禪師次原韻

孟冬園居有懷他山先生留別韻二首

暇日繙閱內經仍疊前韻奉寄二首

冬至

冬夜聞絡緯聲

蚤梅

恭和

御製溫泉咏雪原韻

賦得冬日可愛

賦得月照水池

雪後過黑山嶺

歲暮次他山先生重宿傳經書屋韻

除日雪後登樓

癸巳除夕

益戒堂詩後集卷七

起癸巳四月
盡十二月

長白揆叙愷功父惟實居士著

男永壽仁山甫謹輯錄

喜雨

急響鳴渠達曉晡

東坡詩昨夜雨鳴渠

逢春豈必盡如酥

韓詩天街小雨潤如酥

添

來樹色濃於染洗得山容淡欲無

皮日休春雨詩山容洗得如煙瘦

涉徑先謀

攜竹杖濕衣頻遣焙篝爐回思昨歲愆陽候撲面紅塵

暗九衢

柳子

揚帆遠駕海南舫名比山中格轉高雲液乍傾涼似水
雪膚旋剝膩如膏一冠尚擬留空殼

東坡椰子冠詩美酒生林不待儀又云更將空殼付冠師

半杓真堪壓凍醪更喜生林非醞釀奇芬原不待清糟

芙蓉杏

積李崇桃漫比妍海雲名種亞神仙涉波不用江邊採

古詩步江採芙蓉

帶葉真從木末搴

楚辭搴芙蓉今木末

曲渚迎陽晴靄外小

樓聽雨夜燈前休矜清宴堂佳話手植猶堪傲玉田

清宴堂

蓉杏事見張玉田調

春水 江神子

冰開芳沼碧粼粼自初春到殘春柳暗花明遊舫簇波

心千點落紅風捲盡吹不斷影中雲 澄瀾如鏡躍纖

鱗乍輕陰又濃陰夜雨添來新漲沒篙深便欲乘流天

上去試驗取謫仙吟

太白詩耐可乘流直到天

壽山田石山高月小硯屏歌

霜巖薄暝風颼颼揚沙拔木怒未休浮雲吹盡石突兀

上有片月懸高秋細觀是石果非月天造奇巧卑雕鏤

將毋陰精沁山骨幻出荒怪騰潛虬

杜詩光射潛虬動

時當春深

雷雨作夜氣黯淡迷方州暗中忽驚雙眼豁虛室生白

光盈眸初疑居士逞異術剪紙帖壁金波流又疑周生
 納懷袖梯筋攫取姮娥愁用唐居士帖月於壁及周
 生以筋為梯取月等事年來足迹半
 海內每到佳處頻淹留名區勝賞口空述清景一失難
 追求何如尤物長在目咫尺萬里皆能收近聞閩田珍
 產絕間得往往多麓浮芙蓉崑洞品最下况敢與此較
 劣優朝吟夕醉看不厭勿用躡級登南樓

並頭牡丹

爭奇閨艷各難降一樣繁華映綺窗強欲留春齊得半
 似嫌傷巧却成雙東坡三萼牡丹
 詩過巧不成雙蜜香不異中邊味國色寧

分大小邦差勝芙蓉誇並蒂水鄉何止號浮幢

送他山夫子園中曉起即事次原韻

夜雨初鳴屋春流漸滿溪雲輕猶帶樹沙潤不成泥照
 影看魚戲忘機聽鳥啼羨公多逸思每到必留題

和久坐紫藤花下次原韻

長有蛟龍護自無車馬喧得風枝欲舞經雨葉加繁樂
 事踰三月濃香散一園南歸如見憶重為賦花墩

和他山夫子食新笋次原韻

春笋如相餞知予往塞疆畧教充饌美不礙拂雲長掘

趁朱櫻熟烹宜紫蕨香園居多韻事何必占山鄉

和他山師聞鶯次原韻 調好事近

催得衆芳殘不肯將春留住幾度尋聲難見在斜陽深
樹 圓吭百轉未曾休似欲送人去他日重談故蹟記
同聞鶯處

和放船至因曠洲次原韻

千株柳碧數峯青倒影中流浸小亭釀蜜蜂狂爭落絮
跳波魚健出浮萍蒲帆擬挂江東去蘆管行隨塞外聽
匹馬短衣塵土夢讓公歸老卧雲汀

和西厓院長月夜遊小園次原韻

雲歛西山月滿湖未知堪畫夜遊圖沿波自愛浮孤艇
沙徑何須佩一壺 杜牧之詩自佩一壺遊 雨後竹根添穉子風前荷葉
覆慈姑幽棲自笑多荒僻枉辱瑤華飾陋儒

送檀波開士禮五臺二首

金毛五髻接天排憑仗顛風掃霧開識得臺山真面目
遠遊不負渡江來 元遺山五臺詩顛風作力掃陰霾又云好個臺山真面目

其二

十三年謁曼殊床叶斗峯高願未償此去先須登絕頂

歸時為我話清涼 予三至清涼山每以未登此臺為恨

題古心和尚像二首

清涼卓錫幾經春 雪被冰牀歷苦辛 聞說波離持戒地

寶光親見吉祥身 師曾住五臺有文殊現身之瑞

其二

好事知誰寫作圖 芒鞋蒲薦結跏趺 當年石室稱神異

試問今還說法無

題千華和尚像

曾參實相達圓通 嚴淨毘尼理亦同 說法銀雲長繞座

李賀詩銀雲
櫛櫛瑤殿明

談經寶月旋騰空 一時三昧超沙劫 半夜千華湧梵宮 至竟修持無二路 律門原可振宗風

題見月和尚像

勝地標龍藏 名山續象筵 仙音塵自遠 妙影畫能傳 旦

夕威儀 肅冰霜 戒律宣 出楞嚴經 但看忘指處 即是定心禪

題定庵和尚像

昔問秦淮渡 琳宮咫尺間 祇緣牽世網 未果叩禪關 微

妙探真偈 丹青斷宿攀 東坡詩故就 高人斷宿攀 塵勞何日盡 轉覺愧疎

頑

次韻訓別他山夫子二首

南浦分襟日西郊
勸酒時強留應未得
臨發暫教遲落月
徒縈夢停雲合寄詩
他年陪畫蠲還擬訂前期

其二

引退同元亮忘言學
淨名風塵疎宦味
山水繫鄉情聚散
踪無定飛潛意各行
歸與窮佛理靈運定
先成

先生詩云難窮

惟佛理

和他山夫子雨中發自怡園次原韻

一醉筵前各異程
迢遙沙塞與江城
欲攀征蓋終無計

苦挽歸航似不情
風雨恒思償宿願
亭臺還請署新名

小園齋筭俱屬先生署顏

從今裂帛湖邊月
長照離人白髮生

他山夫子熟精楞
嚴近覽拙詩謬承獎
借輒疊

前韻奉答

窮探海眼入圓明

楞嚴一名清淨海眼

不羨中途止化城
老覺行藏

皆是幻少耽吟咏
漸忘情愛風樂水
殊多事成佛升天
亦強名到底真空無
一物豈容滅處待
華生

重過青山梁次他山師舊韻

高插雲頭曲作梁
舉鞭下指見山莊
煙埋澗草連根潤

露濯崖松墜粉香嵐氣撲人晴亦雨泉聲濺客午還涼
蘇詩泉底真珠濺客忙 白沙蒼蘚沿河路曾共搜吟立岸旁

恭賀

御製五月上旬避暑熱河塗中喜麥秋盈野雨暘得時

詩

翠華時邁歷邊城沙路無泥雨未晴瑞麥連雲垂刈獲
嘉禾蔽野兆豐盈馬因徑熟蹄逾健人為天涼體乍輕
更喜揮毫

仙露渥遠敷膏澤遍羣生

烏城寓舍芍藥數本皆予去年手植今來已作

花矣偶賦一律

本是豐臺種移根塞外栽畏寒多晚放得氣便同開傍

砌留賓賞

杜詩傍砌看紅藥

翻階待我來一年婪尾宴重遣盡餘

盃

以芍藥餽南湖學士

十年飽看邊郵景澗草山花各鬪新外地相逢終寂寞

韋莊詩外地見花終寂寞

一枝分爾故園春

東坡送芍藥與李公擇詩還將一枝春插向兩髻

詠草荔枝

龍沙傳異種

鳳藻錫嘉名味奪星丸美

唐徐寅荔枝詩朱彈星丸粲日光綠瓊枝散小香囊又云龍綃殼綻紅紋粟寶器盛來蚌

腹圓香浮寶器清綠瓊垂葉潤紅粟綴枝輕弱草真榮幸

栽培荷

聖情

瑞應寺並蒂文光果次西厓少宰韻

祇園寵錫

天章後珍果聯翩瑞氣融蓮似並頭露法雨鳥如共命
集禪宮新詩題品先投我佳話流傳始自公更喜萬人

歌

御藻文光長燭塞垣中

熱河寓庭芍藥較烏城尤盛仍用前韻

境歷千山遠花分二色栽淺深多異態向背各爭開口
作園中看都忘塞外來今年長至日還酌送春盃

和西厓少宰題畫次原韻二首

使節歸來說粵東程程瘴雨共蠻風名花佳果偏難忘
寫入生綃一色紅

其二

絳沙裹玉饒風味紅燄燒空耀日光輸與先生兼二者
佛桑花下酌天漿東坡荔枝詩
瑞露酌天漿

熱河閏夏寓舍櫻桃

熟隨文杏後摘在玉桃先當暑猶堪薦迎炎直欲烹

酥應有分白香山櫻桃詩
忍用烹酥酪配笋却無緣韓致堯櫻桃詩苦
笋恐難同象七此事真

多幸嘗新向塞壩少陵櫻桃詩此
日嘗新任轉蓬

和西厓少宰曉宿小庵次原韻

雨暗金河驛塵消玉塞營層崖浮水氣虛壑走雷聲暑

路淹遊屐香燈指化城晚涼初就枕得句有餘清蘇詩得
句不妨

清又云小庵
高卧有餘清

以野雞卵十枚饋他山師有詩見謝次韻奉答

山梁方啄菽麥壠費搜羅便許供時味終難返舊窠分

甘原貴少完卵不爭多留取蠅丸在休輕憂釜鍋

和他山先生庭中雜詩草花次原韻四首

曉風東南來柯葉欲飛騁却從動中觀其體尚無靜嗅

香非鼻入取色非目領雲岑竹萬箇水國稻千頃未歸

且看花何異在鄉井

其二

高卑齊吐萼深淺或殊種情如逢舊識趣勝得新寵便
忘壯士憂豈失丈夫勇更添松一株衆卉各環拱

其三

幻成種種色穠豔寧關風稟氣亦偶然作意非求工烏
蒼鵠本白此理將母同榮枯不自由造物真兒童

其四

障風每憂落澆水預防匱歡逾農有秋快若賈估利經
時費培養別路忍拋棄迢遙順水舟眷戀栽花地二途
終處一臨發轉深喟

和他山師畫義詩次原韻

我家舊多畫愛若偷存瓊杜詩偷存子敬瓊每逢休暇日恣展初

晴天長魚縱巨壑旅鴈驚虛弦一條雪浪直四面璇穹

園就中有大幅挂壁翻無緣新篇忽見投鐵杖同清堅

蘇詩故教鐵杖開清堅公今買山隱振策秋毫顛攜歸亦安用輟贈理

宜然惠深紫玉玦寵過黃金錢試開十丈圖氣象渺萬

千邇來厭馳騁懶過春蠶眠江湖遠難涉悵望心旌懸

卧遊償宿債塵慮俄除捐片帆疑可到不泛琉璃田

和他山先生謝鄉僧贈桃枝竹杖次原韻

鶴語知無怨李義山邛竹杖詩鶴怨朝還望又云滑想過苔遲龍潛莫浪投過苔須緩

步覓路每交頭杜詩竹杖交頭柱仙閣長懸照僧房得暫留滿懷

秋思好東坡鐵拄杖詩入懷水雪生秋思肯挂百錢遊東坡詩杖端閒挂百錢遊

恭和

御製湯泉應候詩

天垂嘉貺湧溫泉隨

輦甘霖徧塞田瑞靄分陰松漠外暄波流潤麥疇邊懷

新盡識歡逾望刈熟行看重壓肩昌黎聯句詩刈熟擔肩頰更仰

離宮揮翰藻光華雲漢並照然

以荷花饋西厓少宰有詩見謝次韻奉答

分得紅蕖四五枝風裳水佩各參差金塘照影纔逾月

玉塞開筒又一時色減只因來處遠香清不礙寄將遲

嫣然搖動知何意飛上先生七字詩姜白石荷花詞嫣然搖動冷香飛上詩句

和世南宮允詠夜光木盆景次原韻

天教竒品出龍沙清玩初成別一家雲際疑分瑪瑙葉

月中真放水晶花水晶花見宋史潔同琪樹渾難匹瑩比冰壺迥

絕瑕更待山窗風雨夜冷光直透數重紗

詠盆中人參果

松漠靈苗忽見分一盆朱實挂斜曛藥移海外浮丹鼎
星散天邊結紫雲似豆長侔鸚鵡粒行盃欲妬石榴裙

樂天詩行
酒石榴裙

休矜上黨人銜貴塞草從今也策勲

立秋前數日接東江先生書因用留別舊韻奉

寄末章兼呈他山師四首

律回牽遠思書到滌煩襟風雨三更夢江湖兩地心逐
貧惟短賦遣興只長吟老矣安蓬華何須訪卜林

其二

淡泊龕堪給趨營苦未能閒中篇帙富愁裡歲年曾綠

綺琴空設黃綿閣暫登時因披覽暇還記一堂燈

先生來書云回

思燈火一堂
恍如夢寐

其三

鶴苑徒延頸龍荒倍軫情塞雲連野暗邊月借沙明聞

笛愁無際

杜詩正愁
聞塞笛

傾壺笑不成幾時重接席相對話平生

生

其四

二十餘年事回頭豈耐思叨榮長愧早學道每嫌遲徑
草從教塞園蔬已罷窺終期酬宿願同訪碧雲師

東坡詩
棄家來

伴碧
雲師

清波引

詠梔
子花

託根西土肯降格梨雲爲侶霜凝雪聚深院涼生處更
灑瀟瀟雨遠向禪房移汝林中不嗅餘香頓忘却塞門
路相如曾賦衆木何堪比數未秋先吐清標映銀浦
弄影頻回顧只恐隨風吹去侵宵且下簾犀重重密護

壺中天

詠茉莉

淡粧翠袖自長辭嶺表幾經寒熱門外纖塵飛不到好
片冰壺涼月綠霧侵肌粉痕撲面風起迴香雪晚來庭

戶釵頭一任輕摘疑是紫塞秋多便炎氛猶在霜華
未歇澗草山花羣逞豔孰竝孤芳高潔佳茗初烹微醒
欲醒此味真清絕簟紋如水夜闌欹枕時節

熱河庭中偶穿小池徧植荷花迎秋皆放口占

二首

一泓寒碧淨無塵菡萏花開也自新便與鴛鴦成伴侶
不須三十六陂春

其二

香風十里散清渠翠蓋紅衣錦不如拋却雞頭池上路

遠來沙磧看芙蓉

謝檀波上人惠清涼山志二首

天花日菊自生香
陟險曾窺選佛場
箱篋攜歸書四卷
分來塵界也清涼

其二

歷井捫參不記踪
披圖竒景似重逢
萬年冰雪千年月
長照臺山落葉松

食藕

涼液偏宜暑靈根
不染泥詎堪藏素洛
何意送支提

支提送藕

出典

五味調皆美
千絲截欲齊
記曾臨水望
魚戲葉東西

以蓮子饋南湖學士

滿房含翠葍

姚合詩翠葍滿房圓

遠寄塞垣深
自我分甘味
惟君共

苦心烏菱還並薦
朱李肯同沉
欲識生生理
禪機試討

尋

本草蓮子薏藏生意藕復萌芽展轉生生造化不息故釋氏用為引譬妙理具存

園中二十一題次他山先生韻

篔簹塢

修篁不見門
曲岸微通路
身在雲霧中
寧知入雲霧

雙竹廊

連枝爭出土雙戟俄穿屋豈必睢陽園千竿萬竿竹
桐華書屋

朝窗失虛白夏屋交深翠一葉不須秋迎風先墮地
蒼雪齋

爽籟終朝合濃陰四面圍朱炎渾避舍綠霧欲沾衣
巢山亭

小亭壓山巔遠勢欲飛起上棲千片雲下映一湖水
荷塘

艷錦連雲迴頻來賞芰荷不知誰是客遊較主人多
白香山詩

畢竟園林誰是主
主人來少客來多

北湖

洗眼長臨水虛心任觸舟遙山爭倒影強半過墻頭
隙光亭

曉風蘋末度夜月波間碎更捲水晶簾分光射簷內
因曠洲

累石成卑嶺穿池作小江朝來多爽氣先遣拓西窗
邀月榭

漁磯晴澹澹鳧渚夕蒼蒼好景平臺上攜壺醉月光

蘆港

蘆花如雪吐蘆葉帶煙生猶記秋眠夜風聲挾雨聲

柳汧

近遮水似藍遠襯山如黛一陣酒旗風人家在煙外

芡汭

水果親移種韓詩水果 刺菱芡芳鮮配百羞至今荒塞夢夜夜繞

湖頭

含漪堂

潭水欲生波風來偶相遇多公信手成拈得天然句

釣魚臺

十日燕南雨污泥擁道周歸裝如可緩還擬共垂鈎

雙遂堂

幽僻性所耽功名偶然遂讀書願勉旃迨此衰年未

南橋

林風響蕭蕭溪水鳴濺濺只隔淺深流難分彼此界

紅藥欄

乘興曾同看春風最後花明年應獨醉吟到日西斜

靜鏡居

漚滅空本無塵消覺圓淨一根若返源免照達多鏡

紫藤逕

千縷盡低垂一條翻直上羲和回日車莫認修羅障

野航

朝出溪邊遊莫向溪邊宿陸處便凌波舟居豈非屋

以赤藤杖饋他山師先生意謂欲易畫叉作詩

見示仍用原韻

塞藤索價高特輟芸香俸杖成繫之銘語出義含諷過
橋賴扶持倚壁供嘲弄幽還得自怡怪或乏時用先生

賦驪駒卽路少騶從願如影隨身

東坡鐵拄杖詩三年相伴影隨身

故以此

相送長疑風雨夜飛電搜窗縫

昌黎赤藤杖歌飛電著壁搜蛟龍

畫义更奇

絕一物可該綜舉頭玩圖繪移步便趾踵魯田豈望歸
蜀芋何須訟直憂鬼神爭難得朝夕共况今返鄉園海
岸事耕種朝宗衆壑趨出岫孤雲縱微材公肯捐高義
人皆重往來多戲言深幸託光誦

立秋

六月十八日

伏雨闌風催暑盡金壺玉琯報秋先黃埃隔夢應千里
紫塞迎涼已十年落日荒程迴旅鴈亂雲高樹隱殘蟬

益開堂詩後集 卷七
七
藏板
遙知鄉井梧桐葉應候旋看墮水邊

秋暑

塞山當暑卽如秋秋後驕陽轉未收
虛豁長開窗北向
炎蒸不信火西流
頻揮團扇難藏匣
偶著織絺便似裘
六月松風如可買
人間無價也思酬

盆中石榴經秋尙開

頗訝三秋屆猶餘一朶紅
過時留火令得氣領金風
低映芙蓉色斜分杜若叢
憑闌看未足難問是天功

新涼

燕市歸難卜龍庭暑乍收
露濃花轉艷風勁葉爭投
鶴夢頻驚曉蟲聲盡入秋
故園今夜月先照最高樓

塞外遇雪有懷他山先生卽用留別原韻二首

水國抽帆日邊城
駐馬時雲山貪去蚤
風雪恐歸遲
策蹇難乘興
雕蟲悔賦詩
自耽禪悅味不復
羨安期

其二

昔去曾聯句今來尚識名
三秋羈客夢千里故人情
關塞消魂別江湖載酒行
勉酬初白願爲報一庵成

出紅門口

吹散蘆花撲馬鞍風聲淒緊物聲乾

李義山詩霜野物聲乾

雲橫翠

壁山如合路出紅門地漸寬大漠沙平牽遠思荒坡泥滑怕回看揚鞭脫險心猶悸始覺蠶叢未是難

過興安嶺

振策俄登萬仞巔路平如掌斷人煙亂峯下視疑無地絕塞西來欲到天侵夜霜飛欺宿火當秋風勁折重綿衝寒衝雪歸難得更說前行乏井泉

重陽日大雪

杪秋時節滯天涯欲插茱萸不在家塞上寒光凝白雪

籬邊佳景負黃花行稀遠靄迷征鴈影入癡雲失亂鴉底用登高苦搜句北來曾涉萬重沙

熱河夜坐疊前韻

行遍山巔共水涯暫閒終是未歸家霜侵萬木皆飛葉雪灑孤燈忽吐花深谷留風無定鹿空巖隔霧有啼鴉還方何物堪題咏紫塞黃雲覆白沙

和他山師過金山寺次原韻

憶昨登浮玉凌空勢欲飛江心千艦集樹杪一燈微回首迷今雨抽身著故衣幽探渾未暇遠客正思歸

和他山先生過高旻寺悼湘雨禪師次原韻

共結還山願高懷獨未忘雲生新講席花落舊禪堂夢
裡音容遠愁邊歲月長不須悲物化相續有心香

孟冬園居有懷他山先生用留別韻二首

解鞍秋未盡忽屆小春時短景張燈蚤初寒集霰遲捲
波猶嗜酒援筆強裁詩少陵詩排
悶強裁詩珍重傳經約相邀恐後

期

其二

偏舟多逸思野服謝浮名粗糲堪充腹榮華不繫情暫

歡雲易散遠夢月同行少陵詩昨
夜月同行遙識張平子歸田賦已

成

暇日繙閱內經仍疊前韻奉寄二首

煩惱縈三毒精嚴課六時焚香披貝葉飲水借軍遲何
遜虛聯句匡衡漫說詩欲除綺語障清淨洽襟期

其二

夙耽塵外契已謝世間名我願超無學楞嚴經彈
指超無學公還覺

有情翻譯名義菩薩此云覺有
情言覺悟有情眾生也天迴烏易墜輪轉蟻隨行解結

休頻問他年樂一成楞嚴經汝必嫌此六結不
成願樂一成復云何得

冬至

銅街寒尚在玉琯氣旋升
添線窺陽復書雲識歲登
循環機不息動靜理先徵
更挾義文與觀爻得未曾

冬夜聞絡緯聲

宿霧初消片月明
書窗夜靜忽聞聲
應嫌巧婦人間少
直到嚴冬織未成

蚤梅

瑤華忽吐歲寒中
十月紛披嶺上同
他日和羨非所望
只將貞潔報東風

恭和

御製溫泉咏雪原韻

翠華臨紫塞碧落隱彤雲
四野滋牟麥千巖灑雪雰
消寒標勝境錫貺仰高雯
預識明年慶豐穰兆十分

賦得冬日可愛

已近嘉平月還逢節候暄
長河水未合古塞雪猶存
嶺外千旗度林間七萃屯
邊庭頻駐蹕嚴律變春溫

賦得月照冰池

賦得月照冰池

益州堂詩後集 卷七
皓魄如規滿寒氷似鏡平高卑逞皎潔遠近入空明影
逼蛟螭動光騰鳥雀驚夜遊何用燭宛在玉溪行

雪後過黑山嶺

亂峯迴合路盤旋風捲游雲掠馬前只恐畫師難着筆
嵌空殘雪最高巔

歲暮次他山先生重宿傳經書屋韻

雲暗荒城雪意濃空齋不寐夜聞鐘羨公歸泛西湖櫂
直上吳山第一峯

除日雪後登樓

貪看霽景踏層梯薄雪初融未有泥裂帛湖通
丹禁北太行山在綠窗西平臨萬樹煙雲迴下視千家
屋舍低更擬明朝窮勝賞滿城春事入新題

癸巳除夕

絕塞言旋未浣塵忽驚節序一時新迎年味似逢新侶
餞歲情如別故人庭樹乍凝風外雪盆梅先報臘前春
非關覓句難成寐爆竹聲喧徹比隣

益戒堂詩後集卷七終



